



Universitätsbibliothek Paderborn

Theologia Moralis

Antehac ex probatis Auctoribus breviter concinnata

Busenbaum, Hermann

Coloniae Agrippinae, 1707

Q. 171. An parochus teneatur ad curam per seipsum.

urn:nbn:de:hbz:466:1-42515

nec ipse Laym. textui illi multum fudit, nam requirit, ut adlit necessitas vel major Ecclesiae utilitas, quod nunc difficulter in praxi habebit locum: adhuc tamen sunt aliqui Episcopi, qui ad biennium quandoque dispensant, quo Parochus ad curam melius disponat ac perficiat, sed etiam quoad hoc servanda est consuetudo cujusque Dicēsis: requiritur tamen etiam pro hoc casu dispensatio Episcopi in scripto, Leuren. Quæst. 37. Vide dicenda Lib. IV. à num. 864.

749 Q. 171. An Parochus teneatur ad curam per seipsum.

R. §. 1. Putant J. Sanch. in Select. D. 47. & ali apud Dian. P. 3. T. 4. R. 156. Parochum, si per seipsum non exerceat curam, non tantum peccare mortaliiter, sed etiam teneri fructus restituere, qui qui non facit, quod debet, non percipit, quod oportet; deinde, quia fructus beneficii sunt propter officium, denique quia stipendium, quod datum propter causam, causâ non subsecutâ retinet non potest, uti habent Regulæ communes Juris. Sed quoad fructus, contradicunt Garz. Ugl. Bonac. & alii, quia Trid. secundum dicta Quæst. preced. eos tantum privat fructibus, qui non resident: quod autem attinet ad obligationem, videatur aliquâ distinctione opus, hinc

750 §. 2. Supponendum cum communi, beneficium illud dici principaliter curatum, cui à principio cura animarum est annexa tanquam principale onus: potest autem annexa esse cura, vel actualis, si Beneficiatus eam actu per se teneatur exercere, vel habitualis tantum, si non teneatur actu per se habere exercitum illius curæ, quia per fundationem, privilegium vel consuetudinem onere illo ipse levatus est, & à Sacellaniis vel à Vicario præstari debet.

§. 3. Qui suscipit beneficium principaliter 751 curatum, quamvis habitu tantum sit tale, debet habere omnia requisita ad hoc, ut per se, saltem in necessitate, possit curam exercere, sic enim habet Trid. Sess. 7. Cap. 3. de Reformat. Inferiora beneficia Ecclesiastica, praesertim curam animarum habentia, personis dignis & habilibus, & quæ in loco residere ac per seipso curam ipsam exercere valeant, conferuntur, aliter autem facta collatio sive provisio omnino irritetur: Itaque Trid. hic ad omne beneficium curatum, quod est inferius Ecclesiâ Metropolitana seu Cathedrali, postulat industriam personæ, ideoque etiam Sess. 24. c. 18. de Reformat. mandat collationi ejusmodi beneficiorū præmitti examen pro approbatione &c, ita ut debeat posse exercere curam,

§. 4. Si beneficium sit tantum habitu curatum, 752 potest tota cura committi Sacellani; è contraria si sit actu curatum, communior sententia est, quod sit obligatio aliquando per se exercendi curam, v.g. excipiendo Confessiones, cum haec sit prima & præcipua pars curæ, hinc Bonac. in Dec. D. 5. P. 2. Barbos. de Off. Paroch. c. 8. n. 41. aliique plures dicunt eum peccare mortaliter, si ipsemet commode possit exercere curam, & semper faciat per alium, quia cum Ecclesia ad officium Parochi prærequirat capacitatem & industriam personæ, hujus quoque obligatio est personalis, ut etiam argumentatur Pirb. L. 3. T. 4. n. 3: addunt tamen posse etiam frequenter & ad difficiliora adhibere Sacellani, & quandoque etiam alios, praesertim si Parochiani sint contenti, & per alium æquè bene fiat. An autem Parochus per se ipsum teneatur concionari, dicetur num. 765. Vide etiam Leuren. P. I. Q. 371. N. 3.

753 §. 5. Si ille, qui bonâ fide suscepit beneficium curatum, sit illiteratus & imperitus, id est, inhabilis ad ea, quæ incumbunt officio curæ, uti explicat *Barbos.* in Collect. ad Trid. Ses. 21. c. 6. de Reform. ita ut non possit se qualificare ad curam per leggerendam, *Trid.* ibidem permittit illi, si quidem alias honestæ virtæ sit, substitui Vicarium, assignat huic parte fructuum secundum proportionem onerum, quæ supplet. Si autem ejusmodi illiteratus & imperitus turpiter ac scandalosè viveret, vulnus moneri, & si non emenderet, permittit privan beneficio.

754 Q. 172. Quæ sit obligatio Parochi tempore morborum & belli. R. Hanc rem bene tractat *Chapeauville* in Lib. de ministrandis tempore pestis Sacramentis, ex quo *Gobat* in Exp. T. 1. à num. 121, pleraque desumpfit. Excerpto aliqua :

§. 1. Potest Parochus grassante peste cum licentia Episcopi se subducere, dummodo substituat eum profuturum, & subsistat in loco, ex quo possit gerere providentiam pro grege suo : Si autem substituere non possit idoneum, non potest uti privilegio Tridentini emanendo ad bimestre, neque potest resignare beneficium, est enim conductus pro tali necessitate, sicut miles pro futuro prælio : quid autem agere possit & debeat Episcopus, si Parochus fugiat, & definet, qui se offerant, habet *Gob.* suprà. Vid. *Leur.* p. 1. q. 384.

755 §. 2. Certum videtur Parochum teneri etiam vitam exponere, non solum in extrema, sed etiam in gravi necessitate spirituali alicujus sibi subjectæ *Oviculæ*, uti dictum est Lib. 2. num. 174 ; si tamen unicus esset Sacerdos vel Parochus, quo sublatu deeseret Communitati Minister Sacramentorum, hic non debet singulis ministrare Sacra menta, si